



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theorema, De Fidei Christianæ Definita Mensvra, Et An Haec Sit Sola Scriptvra Canonica

Pistorius, Johann

Coloniae, 1590

VD16 G 3811

Brevis Additio Ad Explicandvm Vsvm Eorvm Qvae Svbiecta, Et Data, Et
Parata sunt à Grynæo.

urn:nbn:de:hbz:466:1-43333

BREVIS ADDITIO AD
EXPLICANDVM VSVM EORVM QVAE
SVBIECTA, ET DATA, ET PARATA

sunt à Grynæo.

TAmen ne frustra Grynæus tantum apparatus ad demonstrationem intruxerit: quia nihil ipse demonstravit: nos aliquot vsus istius armamenti expediemus.

I.

Columna Grynæi 2. & 3. & 6. est: Fidem esse ex auditu, & annuntiari à S. Paulo & Euangelizari. Confiteri igitur Grynæus debet, mensurā fidei esse totum illud, quod ex Christo & Apostolis cum fidem annuntiarent, & Euangelizarent, fuit auditum. Atqui verbum scriptum non est totum illud quod ex Christo & Apostolis fuit auditum: Verbum igitur scriptum non est mensura fidei.

Minorem probo: non quod omnia verba & omnes repetitiones non sint in verbo scripto: sed quod ne quidem omnes religionis partes: nec satis explicatè: & quod multa Apostoli viua voce docerent clarius & fusius, quàm scriptis.

De multis iam est probatum ex 1. Corinth. 11. (2. 3. 4.) 1. Theff. 3. (10.) & 2. Theff. 2. (15.) & 3. (6.) Ex 2. Timot. 1. (13. 14.) & 2. 2. & 3. (10. 14. 15.). De reliquis parum dicā: Esse tres personas vnius essentia, Filium esse Patri *ὁμοούσιον*, Trinitatē esse inuocandam, duas in Christo naturas esse vnius suppositi, & similia, sunt quidem in scriptura, sed inuolutè & consequenter. Eorum in lucem extractio, quanto labore constitit Ecclesiæ primæ?

Baptifandos esse infantes: ter mergendos, iam mersionis loco aspergendos ter, & quidem ad caput: exufflandos & exorcisandos esse: quo in loco est scripturæ: tamē

Ecclesia Christi ab Apostolis acceptum, eousque tanquam Christi mandatum conseruat.

Diem Dominicum & Paschatis esse celebrandum: & sine ieiunio: & cōtra Iudæos: & sub pœna damnationis, sentit Ignatius, Apostolorū discipulus, & obseruat tota Ecclesia, non illa tantum sub Papatu: sed etiam Græca.

Tota *ὑποχρῆσις* & *ὑπακοή*, quam S. Paulus in Ecclesia spectari vult: omnes Agendæ, ritus, consuetudines Ecclesiæ, quo loco scripturæ traduntur: tamen obseruari iubentur.

Ne sacerdos factus ducat vxorem, nusquā in scriptura expressè mandatum fuit: tamen à Christi ascensione in celum vsque ad ætatem nostram ne vnus quidem reperiuitur vel Apostolus vel Euangelista, vel eorum successor, quā longè lateque patet mundus, qui in sacerdotio duxerit vxorem? An igitur omnes peccarunt contra scripturam? An non intellexerant scripturam? An contra, non omnes confessi sunt esse ex traditione Apostolica?

Sic Chrisma notum Iustino: sic reliquiarum miracula ab eodem confirmata: sic perpetuata S. Mariæ Virginitas: sic inuocatio Sāctorum: sic oratio pro mortuis: sic sacrificium missæ: & quædā alia, etiam cū in scriptura palam non nominātur: tamen S. Chrysostomo, S. Augustino & alijs fluxisse videntur ex Apostolorum instituto & præcepto. Et quid dicam? Tempus me deficeret si per censebo omnia, quæ Apostoli enuntiarunt, cū omne Dei consilium auditoribus patefacerent: Cū Ecclesias constituerent, & tum ipsi disponerent: tum creatis Episcopis mandarent, vt quæ deessent, corrigerent: tamen in libros non retulerunt. Verbum igitur scriptum non est fidei mensura.

II.

Columna 4. habet: Legi in Epistola 2. Thess. 2. (13.) Nos electos esse à Deo ad salutem, per sanctificationem Spiritus & fidem habitam veritati, Nihil dicam, corrupta mul-

ta multa esse: per sanctificationem, pro in sanctificatione: Item fidem habitam veritati, pro fidem veritatis: Nec enim tam leuia sunt quàm putantur. Illud dicam, si fides est veritatis: veritas verò tota non est scripta. Non igitur tantum scriptæ veritatis est fides, sed etiam non scriptæ. Scriptura igitur mensura non est fidei.

III.

Grynæi datum primum est: in fidei mensura non dari progressum in infinitum. Ex eo nihil concludit Grynæus. Nos concludemus aliquid:

Posito quod in scriptura sint omnia: ut suo modo esse non negamus: tamen quia ista mensura, si usum aliquem præstabit, explicari & intelligi debet: non de ipsa mensura, ut in se conquiescit, sed ut intelligentiæ subiecta, & ut nobis mēsurā est, disputandum nobis erit & quæredum, quomodo interpretatio ista scripturæ certa sit: & an omnium sit: an quorundam. Omnium certè ex dato Grynæi non est. Nullum enim infinitum est mensura fidei. At qui interpretatio omnium tāquam infinitorum hominum & infinitè inter se pugnantium est infinita. Nō igitur est mensura fidei. Itaque necesse est quorundam esse: & tum vel ex humana industria, vel ex reuelatione Spiritus. Humana industria siue in collatione scripturæ, siue in interpretatione κατ' ἀναλογίαν, siue in ratiocinatione ponatur, rursus eò non valet ex eodem dato Grynæi. Infiniti enim scripturam & cōferunt & interpretari κατ' ἀναλογίαν videntur, & ratiocinantur: tamen omnes diuersis modis & in pugnantibus sententias. Infinitum verò non est mensura fidei.

Rursus mensura fidei est certa, explicatio verò non est certa, quæ est omnium singularium hominum: nec potest esse certa. Aut enim casu & pro cuiusq; arbitrio fit: aut fortassis extat regula, quæ docet quemadmodum vel ratiocinari, vel conferre, vel κατ' ἀναλογίαν interpretari, vel cruere latētem sensum sine omni errore quisque possit.

Illa

Illa regula si in scriptura est, ostendatur locus; si non est, cur recipiemus interpretationem mensuræ extra mensuram? Cur credemus sine scriptura? & quomodo scriptura erit mensura fidei? & erit nobis? quæ in seipsa interpretandi mensuram non habet? si verò regula nulla reperitur: arbitraria igitur erit explicatio. sed illa infinita & incerta est, & à seipsa dissidens. Frustra igitur fidei mensura & præsertim quo ad nos, scriptura esse dicitur.

Iterum interpretatio scripturæ vel est ex nobis, vel ex Spiritu sancto: vel est animalium, vel est spiritualium hominum: sed est profectò ex Spiritu, & est hominum spiritualium. Vnde enim res primùm fluxit, inde explicari debet. Scriptura, ut ait S. Petrus, (2. Pet. 1.) non inducta est hominum voluntate, sed ex impulsu & inspiratione Spiritus S. Non igitur hominum voluntate, sed à Spiritu, à quo primùm nata est, explicari scriptura debet. Et animales homines recipere non possunt quæ sunt Spiritus Dei. 1. Corinth. 2. (14.) Incertum verò prorsus est, de indiuiduis & singularibus personis, animales an spirituales sint: ex se, an ex Spiritu S. scripturam interpretentur: intelligant, an non intelligant. Et quicquid dixerint, negari potest spirituales esse, tum illos qui scripserunt, tum nos qui iudicamus, non solùm quod de spiritu huius vel illius testimonium nullum habeant: sed etiam quod omnino extra scriptum verbum, ut hæretici volunt, credendum nihil est: & rectè explicari à Luthero, vel Zinglio, vel alio scripturam, non est in scriptura. Explicatio igitur scripturæ in singularibus hominibus nunquam est certa: nec enim constat, an Spiritu S. ducantur: Illa itaq; explicatio mēsurā fidei non est: Nec proficiunt hæretici, cum se Spiritum S. habere temere confirmant. Dicunt enim multi & infiniti: nec causam ego video cur Lutheranis plus credam quàm Calvinistis: nec illi ostendere possunt. Dabit Pater, inquiunt, rogantibus Spiritum Sanctum. Verū id est si orent in Ecclesia, & in huius vnitate,
& sub

& sub huius suave subiecti iugum. Alioquin an non orāt Arriani? Calvinistæ? Lutherani? Anabaptistæ? hæretici omnes? Et non æquè attentè & deuotè? An igitur omnes accipiunt Spiritum sanctum? An igitur omnes rectè interpretantur scripturam? & an omnium hæreticorum interpretationes inter se pugnantes & dissentientes, veræ sunt? & recipi debent? Sed id falsissimum est: singularium igitur hominum explicatio certa non est: mensura fidei non est.

Adhæc: Solius est Dei largiri fidem, vt Grynæus in tertio dato concedit, & per se verum est; sed cui Deus fidem donet incertum nobis est ex scriptura, de hominibus singularibus: Illorū igitur interpretatio, ne quidem si mille scripturas cum mille scripturis conferent, certa nobis non erit: scriptura igitur tametsi mensura fidei esset, tamen nisi ab Ecclesia explicetur, mensura nobis non erit: Erit obscuritas & offensio: & magis erroris nostri quàm veritatis mensura.

Sed dices. An igitur scripturæ nulla explicatio certa est? Est profectò aliqua: quæ si nō esset, iacere totam scripturam & religionem necesse esset. Et illa quæ sit, ex Grynæi datis & iam, & postea fusius ostendemus. Explicatio enim scripturæ si mensura fidei erit, in infinitū non progredi, & certa esse debet, vt Grynæus in datis suis ponit: Atqui nulla finita vel certa est scripturæ explicatio, quæ ea quæ est totius Ecclesiæ: de qua ex Christi promissionibus planissimum est, & dubitationē non habet, quod à Spiritu sancto, in iudicio eius & sempiterno præside in omnem ducatur veritatem: cū de reliquis omnibus optimo iure dubitetur. Hęc igitur sola explicatio tanquā sola certa & finita ex Grynæi dato erit mensura fidei: ceteræ explanationes non erunt: Ipsa scriptura sine intellectu, sine explanatione mensura non erit: *ἡ ἀποκάλυψις*, quod & demonstrandum, & demonstratum est.

Solius Dei est, mensura circumscribere fidem ex tertio Grynæi dato. Si verò solius est Dei, cur Grynæus scripturam mensuram esse fidei iubet, quod Deus nullo loco scripturæ iussit? Nullo enim testimonio docebitur vnquā mandasse Deum vt vel omnes vel quosdam scripturæ libros sic pro mensura fidei habeamus: vt in illis omnia omnibus, & explicatè cōtineri putemus, quæ credere oportet. Cur igitur supra Deum se extollit? vel certè cur, quod soli Deo relictū est, ille sine mandato Dei in se transfert? Antichristus Grynæus, & Grynæus superbus? Itē si solius Dei est circumscribere fidem mensura: & mensura est verbum scriptum: Mensuram igitur hanc Deus vel definiuit aliquo loco, vel non definiuit. Si definiuit, explicet Grynæus vbi factum sit, & vbi Deus, quot libri scripturæ Canonici, & quot ad salutem necessarij sint, scripserit: nisi fortè per Ecclesiam fecit: Atqui hæc traditiones cum scriptura recepit. Si non definiuit Deus: non igitur circūscripsit: Falsum igitur est Grynæi datū: & impius est Grynæus, qui definit rem non definitam à Deo.

Rursus si definiuit Deus, fecit vel in scriptura, vel in testimonio Ecclesiæ. In scriptura non fecit. Ergo per Ecclesiam. Illud igitur mensura est fidei quod Ecclesia mensuram esse voluit. Voluit autem tum scripturam, tum traditiones Apostolicas & Ecclesiæ Christi auctoritatem: & hæc omnia recepit & pro mensura fidei definiuit. Falsum igitur est ex ipso Grynæi dato, solam scripturam esse mensuram: & verum est, solam non esse mensuram.

Præterea vel casu vel studio factū est, vt Apostoli & Euāgelistæ omnia credenda cōferrent in literas: & tū vel omnes omnia complecti scribēdo, vel quidam quædā, vel quidā omnia, quidā quædā voluerūt. Id verò cur credi iubet Grynæus, & ex qua scriptura? Nā cum nullus scripserit omnia, vnde cognoscem⁹, partitos esse viros sanctos laborem, vt vnus partem vnā, cæteri reliquas explicarēt? Et id
cur cre-

cur credemus sine scriptura? Deinde, quia cæterorū Apostolorū partes ad nos non peruenerunt, quomodo mensura fidei erit pars Apostolicæ scripturæ? & quomodo pars amissa, quam cæteri Apostoli cōpleuerunt, non pertinebit ad mensurā? & quomodo integra erit mensura, cum pars illa tanta tamq̃; magna decessit? Aut si singuli scripserunt omnia: cur pluribus quàm vno scriptore opus est? At hæc omnia vbi definiuit Deus? & si non definiuit, cur credimus? cū sint extra mensuram?

Item solius Dei est, definire fidem mensura. Id igitur an fecerit Deus, & quomodo fecerit, vel scimus vel nescimus. Si scimus, dicat Grynæus ex quo loco scripturæ? Aut si extra scripturam cognoscimus, sciemus igitur & credemus extra mensuram? At rursus quo testimonio sciemus? An inspiratione occulta? sed tum scriptura non erit credendorū mensura: Erit etiam inspiratio. At hæc finita non est. Erit igitur infinita fidei mensura, contra datum primum: vel scriptura fidei mensura non erit.

Iterum mensuram fidei certam esse conuenit: & impietas est cū mutatur, ex datis Grynæi, sed hæretici certā esse non sinunt: qui vel breuiorem vel longiorem faciunt: & epistolam S. Iacobi, Apocalypsin S. Ioannis, libros Machabæorum, Thobiam &c. vel addunt, vel detrahunt. Vnus Lutherus S. Iacobi epistolam postea ponendam: primum tanquam stramineam non ponendam iudicauit: quod idem de Apocalypsi & alijs fecit. Mensuram igitur certam non habent: & impij sunt qui addunt & detrahunt: neque definire mensuram possunt.

Ad hæc si solius Dei est circumscribere fidem certa mensura: cur circumscribit Lutherus? cur Cinglius? cur mutilant mensuram pro suo arbitrio? contra veteris Ecclesiæ consuetudinem? An iussi sunt à Deo? sed quo testimonio? An quia ipsis sic videtur? At tum opinio eorum vel à Deo confirmari debet: vel liberū cuique permitti, vt mensurā esse sinat quousque videtur: non sinat quādo

non videtur. Ista verò an non erit pulchra & aurea mensura?

Præterea vt fides est, sic debet esse mensura ex 2. dato Grynæi. sed fidei partes omnes retinendæ sunt. Ergo & mensura. Contra, in verbo scripto Lutherus publicè putat Euāgelij Matthæi, Marci & Lucæ: Item Epistolis multis Pauli & aliorum posse nos sine magno incommodo carere: & satis esse, si Euangelium vnicū Ioannis & huius primam Epistolam: S. Pauli tres Epistolas ad Romanos, Galatas & Ephesios: Item S. Petri priorem Epistolam retineamus. Quædam igitur partes verbi scripti necessariò retinendæ non sunt, Verbum igitur scriptum mensura fidei non est.

Vel adhuc efficacius: Id est mensura quod omnia ad fidem necessaria cōtinet, Ex maiore Grynæi. Atqui vnū Euangelium Ioannis & huius prima Epistola, & tres Epistolæ S. Pauli, & vna S. Petri continent omnia, quæ nos ad salutem scire interest: teste Luthero in præfatione 1. editionis noui testamenti, Anno 22. & 26. Sex igitur libri isti sunt mensura fidei, & falsum est totum verbum scriptum esse mensuram fidei: aut erunt vnius rei mensuræ duæ: & totum atque pars simul rem vnā metientur: aut Lutherum necesse est esse scurram. Et quid dicam? Quod ipsum definitum non est, mensura rei definitæ esse non potest. Scriptura definita non est: & controuersantur de eius mensura hæretici: & quid ad eam pertineat, explicatum non habent. Scripturam igitur mensuram fidei tanquam rei definitæ constituere non possunt.

Rursus ex 2. dato Grynæi fides & mensura fidei relata sunt. Posita igitur fide, ponitur fidei mensura. Sed fides in Christum, natum erat annis penè centum, antequam scriptum verbum totum in vnum conueniret librum: imò qui libri reuera ad scriptum verbum pertinent, ne hodie quidem apud hæreticos Lutheranos Calvinistas & Anabaptistas exploratū est. Falsum igitur est verbum scrip-

scriptum esse mensuram fidei. Si dicat Grynæus annuntiatum Verbum esse mensuram: & id postquam totam literis mādatur est, iam etiam scriptum, mēsuram esse: id verò quomodo p̄babit? ex quo scripturæ loco? Nos enim negamus scriptum esse totum, omnibus circumstantijs & in specie & explicatè: negamus non licere Ecclesiæ in festis, ritibus, ceremonijs, explicationibus addere quotidie: non illa quidem pugnantia cum scriptura; tamen sic non posita in scriptura: & tamen credenda. Sed progrediamur.

V.

Impietas est ex 4. dato addere aliquid mensuræ Dei. Impius igitur est Grynæus, qui multa addit. Dicam hoc loco pauca, & tantum nouem quæ Grynæus addit & in scriptura nō sunt. 1. Scripturā esse mensuram fidei, & omnia in verbo scripto contineri & tradi, quæ de Iesu Christo sunt creditu necessaria: quod ipsum in tota scriptura nusquam extat: & reuera additum est ad scripturam: & falsum est & cum principio suo pugnant. 2. Euangelia quatuor & nō plura esse: & esse eorum quibus inscribuntur: & debere credi, & referri inter libros sacros & in Canonem Ecclesiasticum. 3. Epistolas ab Apostolis & actiones Apostolorum nec plures nec pauciores scriptas esse: & in illis quæ extant, contineri omnia: & illa eadem quæ in cæteris quæ interciderunt, & quæ ab alijs Apostolis in India, Aethyopia, & alijs locis scriptæ sunt. 4. Omnia quæ Apostoli ore tradiderunt, esse in verbo scripto. 5. Agendas Calvinistarum & ritus Ecclesiæ, & baptisandi rationem & Coenæ Dominicæ distributionem, & ista omnia, quæ supra diximus, cōsentire cum instituto Apostolorū, & cum eorum consuetudine. 6. Scripturam tam esse facilem & ita propositam omnibus, ut à quouis possit septenni puero legi & intelligi. 7. Libros scripturæ quosdam esse Canonicos, quosdam nō esse, & S. Matthæi Euangeliū, Maiāq; prophetiam esse Canonicos: Machabæorum hi-

storiā & Thomæ Euangeliū Canonicos non esse. 8. Lutherum & Cinglium rectè interpretari scripturam: & Grynæum, cū ista sic iudicat non errare. 9. Posse quæque ex sola lectione scripturæ, etiam cū à nulla Ecclesia Christi docetur, imò cū omnes Ecclesiæ contra sentiunt, intelligere scripturam, & certum esse de suo priuato & ab omnibus dissentiente sensu. Plura non addam quæ infinita sunt, & in scriptura nō reperiūtur: nec mensuram fidei scripturā esse sinunt: & isti Lutherano principio contradicunt: aut si verum est falsa esse quæ in scriptura non continentur, falsa ista erunt omnia; & hoc ipsum falsum erit quod dicitur. Nam si falsa sunt quæ expressè scriptura non docet, non est verò vel expressè vel obscure traditum in scriptura, quod nihil extra scripturam credi debeat: Id ipsum igitur verum nō erit. Falsum igitur erit & falsum scribit Grynæus. Item si mensura credendorum, est Scriptura: Credendum verò est, quod hic Grynæus tradit, omnia credenda esse in scriptura. Itaque etiam huius Grynæani pronunciati mensura erit scriptura. Sed quo loco est in scriptura? Congreget totum acumen suum, & ostendat Grynæus: vbi hoc credendum & id quod demonstrare vult Grynæus, vbi inquam sit in scriptura? Aut si non est, confiteatur falsum esse.

Vides Lector Grynæanum acumen. Nos ex isto dato contra Grynæum ostendemus, mensuram fidei non esse scripturam: tam planè tamque perspicue, vt Grynæus quod contradicat non habeat.

Quicquid fert additionem, id mensura fidei non est ex 1. & 3. & 4. dato. Atqui scriptura vel verbū scriptum, cōfidente Grynæo, patitur additionem, illa nimirum nouem quæ in hoc capite enumerauimus: & alia plura. Verbum igitur scriptū mensura fidei non est. Item quicquid non omnia complectitur credenda, id mensura fidei non est, ex cōuersione maioris Grynæi. Sed scriptura hoc ipsum non continet, quod hīc credi iubet Grynæus: nimirum

mirum omnia credenda tradi in scriptura. scriptura igitur non est mēsurā fidei: quod & demonstrare oportuit, & reuera demonstratum est.

Euangelio credendum est, inquit Grynæus. Ergo certissimum est id esse fidei mensuram quod omnia necessaria creditu complectitur. Quis verò Grynæum sic argumentari docuit? Cur non conclusit magis virgam Aaronis fuisse turrinam Babylonicam? Grynæum esse Porphyrium? Eadem enim est concludendi ratio. Deinde cur maiorem ἀποδείξεις & mensuræ definitionem probari ascribit ex primis Axiomatibus quatuor? Et cur omnino probari oportuit? An per se verum non est, quod rem totam complectitur, & definit, id esse rei mensuram? Istud verò cur probat Grynæus? & cur ex quatuor illis probat? Et ubi in tota scriptura maior ista & definitio mensuræ ponitur? Et cur scriptura ad illam demonstrandum opus est? Sed audiamus primum rursus Axioma. Euangelio credendum est. Ergo id quod mensurat rem, est mēsurā rei. Quid audio? Ergo baculus est in angulo: angulus in baculo. An enim definitio mēsuræ est in scriptura? & in hoc Axiomate? & an ex eo cōcludi potest? ὁ demonstrator. Et an quia Euangelio credendum est, ideo legi & libris & historijs veteris testamenti non est credendum? An Euangelium in se & libros & historias veteris testamenti includit?

Rursus quia Euangelio tum nondū scripto credendum erat, An igitur, quod postea scriptum fuit, equè longè diffusum est? & ista eadem & eodem modo habet, & æquè latè patet, atque Euangelium illud de quo Christus loquitur? An loquitur Christus de Euangelio scripto? An tum, cū Christus ista diceret, Euangelium vllum scriptum erat? An Euangelium istud cui credere Christus iubet, explicabat Cœnā & Baptismum & omnia mysteria Christi? An illa continebat omnia quæ postea acciderunt?

Rursus credendum est Euangelio. An igitur tantum credendum est verbo scripto? An Euangelium tantum est ver.

est verbum scriptum? Quid respondes Grynæ? Et si respondere posses, tamen maiorem tuam non probasses: mensuræ definitionē non demonstrasses. Nec enim quia Euangelio credendum est, ideo istud quod omnia continet τὰ πῆλα, mensura est fidei. Conemur tamen aliquid: periclitemur artem: doceamus ex hoc Axiomate, quomodo id mensura sit fidei quod omnia πῆλα complectitur: iuueamus bonum Grynæum.

Euangelium cui credendum est, mensura est fidei.

Quod complectitur omnia πῆλα, est Euangelium cui credendum est. Illud igitur est mensura fidei.

Edisserat Grynæus an syllogismum istum & partum suum agnoscat? An recipiat? Et an ad verbum scriptum ista & ad mensuram, quam quærit, momentum vllum & considerationem habere putet? Et an medium illud pro causa habeat cur res mensurans rem, sit rei mensura? Etiam si ponamus totum verum esse: vt non est.

Nos contra Grynæum ex eo ipso Axiomate probabimus firmissimè, inuito Grynæo, scripturam non esse mensuram fidei, nec continere omnia quæ credere debemus. Statim enim assumemus Verbum scriptum non complecti omnia τὰ πῆλα: non negante Grynæo: & inferemus verbum scriptum non esse mensuram fidei, & nescire Grynæum quid ponat, quid sumat, quid concludat.

Et vt vim Consequentia propius aspiciat Grynæus: proponemus planius, magisque perspicuè.

Tota mensura fidei est totum Euangelium, cui credendum est, vt Grynæus significat.

Atqui totum Euangelium quod scriptum est, non est totum illud Euangelium cui credendum est.

Scriptum igitur Euangelium totum non est tota mensura fidei.

Minorem probo: Impietas est addere scripturæ aliquid ex Grynæi dato. Sed totum Euangelium scriptum, esse totum Euangelium cui credi oportet, nullo loco est scrip-

scripturæ. Impietas igitur est cum additur: & propterea falsum est, ex Grynæi principijs. Imò propius cum hoste conflagamus. Euangelio credendum est. Non verò parti tantum, sed toti. Itaque totum Euangelium erit fidei mensura, sed totum non est scriptum: deinde id, de quo Christus loquitur, pars erat Euangelij: nec de Cœna vel Baptismo suo quicquam adhuc docuerat Christus: nec scriptum erat Euangelium cui Christus credi iubebat. Nec igitur scriptum verbum, nec Euangelium, de quo Christus loquitur, mensura tota est totius fidei.

Deinde ne quidem si de toto Euangelio Christus ageret, subleuari causa Grynæi posset: Nec enim, ut dixi, scriptum tum erat Euāgelium, nec de scripto mentionem faciebat Christus: nec si toti Euangelio credendum est, idem pars totius (nempe verbum scriptum) erit mensura fidei.

Rursus tantum Euangelio est credendum: In eam enim sententiam accipit Grynæus: Non igitur legi Moyse, nec historijs veteris testamenti. Atqui hoc falsum. Igitur & illud. Aut an fortassis Euangelium legem in se habet, & veteris historias testamenti: sed satis de primo Axiomate. Perspiciamus secundum.

VI.

CRedens in Christum non condēnatur: Item, in Christo sunt omnes thesauri sapientiæ. Itē, omnis religio, quæ non est secundum Christum, falsa est, ex 2. 3. & 4. Axiomate.

Ergo: concludit Grynæus in minore Syllogismi nugatorij sui: Quicquid omnia tradit credenda de Christo, id mensura est fidei. Ergo: concludam Ego: Conclusio Grynæi, est deliratio vetulæ. Possem etiam quod Grammaticus Philippus optimis & doctissimis Catholicis in Apologia scurriliter & absurdè respondet, per cōmodè hoc loco exclamare: Deus perdat istos impios sophistas, „ tam falso detorquentes Verbum Dei ad sua somnia. „

F

Quis

- „ Quis bonus Vir non commoueat indignitate tanta?
 „ Quis docuit istos asinos hanc Dialecticam? sed hæc neq;
 „ Dialectica est, neque sophistica, sed est sycophantica.

Sic enim Calumniatori Philippo visum est illudere bonis viris, sed nos modestius agemus. Demonstret Grynæus consequentiam: 1. Doceat cur sequatur, quia credentes in nomen Unigeniti filij Dei non condemnantur, ideo id quod omnia *τὰ πάντα* in se includit, esse mensuram fidei: 2. Doceat ubi sit in vno Christo esse omnes thesauros, ostendat numisma, nominet locum: Deinde explicet quia in Christo sunt omnes thesauri, cur propterea, & ex vi istius loci id quod omnia de Christo credibilia continet, sit mensura fidei: simul declaret an in scripturis sint omnes thesauri sapientiæ: & an sicut in Christo, sic in scriptura? & quomodo probet? 3. perspicuum faciat ubi quartum Axioma sit in scriptura? & ubi illis verbis? dicat quomodo ex quarto Axiomate demonstret maiorem *ἀναπόδεικτε* suæ *ἀποδείξεως*? & cur necesse sit, si religio, quæ nõ est secundum Christum, falsa sit, idcirco rem complectentem omnia ad credendum necessaria, mensuram esse fidei? Audiamus magistrum Consequentiarum: Audiamus explicatorem causæ suæ: educat ex quatuor illis maiorem suam, ex virga Aaron turrim Babilonicam: ex formica Camelum: Et tum respondeamus fusius. Iam contra Grynæum ex tribus Axiomatis miseræ *κατασκευῆς* ratiocinemur aliquid: ne frustra posita sint: & ut quomodo valeant, animaduertantur.

Credens in Christum iudicatur. Ergo non, ut Grynæus infert, mensurans fidem est mensura fidei: sed, Ergo verbum scriptum non est mensura fidei; Id quod creditur, est mensura fidei. Id autem quod creditur non est tantum verbum scriptum.

Rursus in Christo sunt omnes thesauri sapientiæ. Id quidem ad maiorem Grynæanæ miseræ facit nihil: nec si in mille se formas conuertat, Verbum vnum maioris

ex eo confirmabit. Nos tamen, ne sanctum Axioma inconclusum sit, minorem inde tollemus, & cōclusionem Grynæi.

In quo sunt omnes thesauri diuinæ sapientiæ & cognitionis: id mensura est fidei. Sic enim significat Grynæus: & nisi sic sentiat, frustra ascripsit Axioma tertium.

Atqui in scriptura tanquam re finita, contineri totus infinitus thesaurus sapientiæ diuinæ non potest: nec quisquam vnquam existimauit, in verbo scripto omnes esse diuinæ cognitionis thesauros: simpliciter, absolutè, vniuersaliter: nec ipse Grynæus hoc respectat: Loquitur enim tantum de necessarijs ad credendum. Itaque scriptura mensura fidei non est.

Item in vno Christo, ait Grynæus, thesauri omnes sūt. Nos pergamus: Scriptura non est Christus: sed testificatur de Christo. In scriptura igitur thesauri omnes non sunt. Itaque vel temerè Grynæus interposuit tertium Axioma: vel si ad rem pertinere debet, mensura fidei scriptura non est.

Adhuc si in scriptura sunt omnes thesauri diuinæ cognitionis: non igitur tantum ea quæ creditu nobis necessaria sunt, complectitur; sed omnia quæ in hoc mundo tanquam cœlata & abscondita, ne quidem credi debent, & perspicientur in vita æterna. Ergo scriptura plus in se quàm necessaria creditu continebit. Itaq; mensura fidei non est, ex 2. dato Grynæi. Relata enim sunt mensura & mensuratum.

Iterum. Religio quæ non secundum Christum est, falsa est. scripturam esse mēsuram credendorum, non est secundum Christum: est secundū traditionem hominum, ex inani fallacia Grynæi. Id enim est secundū Christum, quod Deus ipse in mensura, vel in scriptura (secundum Grynæum) posuit, ex tertio dato, sed scripturam esse mensuram fidei, in mensura ipsa, in mensura quam Deus Grynæo circumscripsit, non est. Falsum igitur est.

Conclusimus aliquid: tamen ista omnia ad maiorem directa non sunt, ad quam pertinere clamat Grynæus: miser Grynæus: beatus futurus & aureus & sanctus, non si probet: sed si probare conetur, in quatuor istis prioribus Axiomatis aliquid esse minimum momentum etiam in externa specie ad concludendam maiorem. Nobis satis nunc quidem est, ne nihil conclusum esset, conclusisse tamen aliquid: quocumque tandem pertineret. Pergamus ad probationem minoris. Demonstrare eousque voluit Grynæus, id, quod omnia necessaria creditu in se includit, esse mensuram fidei: Ad istam rem adhibuit Axiomata quatuor, à Spiritu sancto enuntiata: sed ad institutum Grynæi absurdè adiuncta, alienissimo loco, ridiculè, temerè, imprudenter. Iam cognoscamus quomodo minorem fuleiat: quomodo declaret, scripturam omnia complecti ad credendum necessaria.

VII.

Scripturas sanctas tanquam testes Christi scrutari oportet, ut est in Axiomate 5. Ergo (inquit Grynæus) scriptura continet omnia quæ creditu de Christo sunt necessaria. Nouū acumen. Noua ducendi consequentias ratio: ex baculo angulum: ex angulo baculum. Videamus igitur quid possit Grynæus. Quicquid de Christo testatur, id continet omnia credenda de Christo. Hæc enim esse maior debet, intermissa in Grynæi Enthymemate. At nos assumamus: Multæ partes veteris & noui testamenti, multæ periodi: multæ particule testantur de Christo. Et concludamus primum. Ergo multæ partes veteris & noui testamenti, multæ particule, multæ periodi continent omnia quæ credi debent de Christo. Et inferamus secundò ex maiore syllogismi Grynæi, Ergo multæ partes, & particule, & periodi scripturæ sunt mensura fidei. Et rursus: Ergo multæ sunt mensuræ fidei. Ergo non tota scriptura est vna & tota mensura fidei. Et iterum: Ergo opera Christi, quæ testimonium de Christo perhibent. Io. 5. (36.) & 10. (25.)

(25.) totam fidem & omnia *πιστ*, continent, & sunt fidei nostræ mensura? Arrige aures Grynæ.

Adhuc. Quicquid peruestigari propter testimonium de Christo debet, id continet omnia *πιστ*: & sic est mensura fidei. Atqui Christus tantum vetus testamentum, nec omnes eius partes, sed eas solùm, quæ testimonium de se perhibent, scrutari iubet. Itaque vetus testamentum, & eius quædam partes sunt mensura fidei. Ergo primò, ex primo & tertio & quarto dato, nouum testamentum mensura fidei non est. Certa enim est mensura & circumscripta, & expers omnis additionis. Ergo secundò quædam partes veteris testamenti ad mensuram non pertinent? Quid respondes Grynæ? A scribe si potes, Vbi sit Iōānis 5. distinctio, quam apponis inter scripturas Canonicas & non Canonicas. Ostende, quomodo nihil addideris ad scripturam, & scripturæ non feceris iniuriam: & mensuram noua accessione non amplificaueris.

VIII.

AD sextam Consequentiam Grynæi, vel ad sextum Axioma progrediamur. Prophetæ testantur, Omnes credentes in Christum accepturos remissionem peccatorum. Ergo scripturæ Canonicæ continent omnia de Christo credibilia. Id verò quid ad Rhombum? & quomodo probat Grynæus? Si omnes anthores, omnes libri, qui remissionem peccatorum in fide Christi testantur, continentur omnia credenda de Christo: quot erunt mensuræ fidei? Et an qui remissionem in fide Christi credit, credit omnia quæ de Christo credere scriptura iubet?

Scripti Prophetarum libri testantur remissionem peccatorum in fide Christi. Ergo (concludit Grynæus in probatione minoris) isti & omnes alij scripturæ libri sunt mensura fidei.

Auditum admissi, risum teneatis amici?

Caput 24. Lucæ testatur remissionem in fide Christi. Ergo scripturæ Canonicæ, id est, caput 24. Lucæ, & reli-

qua scriptura sunt mensura fidei. Grynæus testatur Dialectices partem esse Analyticam. Ergo Grynæus & cæteri omnes Dialectici continent omnia quæ de Dialectica scire conuenit. ô Demonstrator. An non vnus est articulus inter duodecim, credere remissionem peccatorû? Et quanquam principale fidei obiectum esset, remissio peccatorum: tamen in se ceteros articulos actu nõ includit: nec necesse est, si ille credatur, credi omnes reliquos: neque ex isto vno cæteri explicantur, neq; si alij non essent traditi, ex illo possêt plenè cognosci. Quo igitur respicit Grynæus? aut quid cogitat cùm ex eo quod Prophetiæ (id est, pars scripturæ) articulum vnum (id est partem fidei) testantur, concludit totam scripturam esse mensuram totam totius fidei? Ac si dicerẽ, quia Grynæus errat in fidei quibusdam articulis; idè omnes Germanos errare in omnibus.

Nos contrarium ex illo eodem demonstrabimus contra Grynæum. Quicquid Spiritus sanctus in quoque loco scripturæ non tradidit, & ne quidem tradere cogitauit, id ex eo loco concludendum non est: quod vel ex solo quarto dato Grynæi est perspicuum. Atqui in Ioannis cap. 5. (39.) nihil de mensura totius fidei tradidit, & nihil tradere voluit Spiritus sanctus. Tantum enim in parte scripturæ, & quidem solius veteris testamenti dicit effectum vnum officij Christi præsignificatum esse. Male igitur & falsò ex eo loco concluditur, totam scripturam esse mensuram totius fidei; vel quod idem est, in scripturis Canonicis tradi omnia quæ credi oportet.

Rursus, fides remissionis peccatorum non est tota fides: & testimonium rei alicuius, non est rei mensura. Sed isto loco & de sola fide remissionis peccatorû, & de solo Prophetarû testimonio loquitur S. Ioannes. Falsum igitur est inde vel totam fidem, vel eius mēsuram concludi. Cætera, cùm respondebit Grynæus, persequemur fusius. Iam pergamus.

IX. Pri-

IX.

PRIMUM nugatur Grynæus quasi in textu S. Ioannis ca. 20. (31.) legeretur, omnia quæ Apostoli & Euangelistæ scripserunt, eò pertinere, vt credamus Iesum esse Christum filium Dei. Duo enim aperta sunt mendacia in paucis verbis contra textum. Primum, quod scribit Ioannem de omnibus loqui quæ scripsit, tum de signis, tum de doctrina, quod iam confutatum est, cum de solis signis agat; idque textus expressè significet.

Secundum quod non solum de suo Euangelio, sed de omnibus quæ Euangelistæ & Apostoli scripserunt; S. Ioannem differere fingit. De suo enim tantum libro, & illis solum quæ ipse scripsit, S. Ioannes loquitur; idque non dissimulat. Verba clara sunt (quæ non sunt scripta in libro hoc: Item, hæc autem scripta sunt) vt testatum relinquere; non se ad alios vel aliorum libros, sed tantum ad istum librum vnicum suum, & ad sola signa respicere. Impius igitur est Grynæus (ex 4. dato) qui mutat mensuram fidei, & addit quæ in mensura non sunt, miser dator & Demonstrator magis miser. Quid igitur tandem? An quia signa, non quidem omnia, tamen isto delectu mandata literis sunt, vt credamus, Iesum esse Christum, & credentes habeamus vitam æternam: An, inquam, propterea omnia fidei necessaria capita traduntur in scriptura? Qua consequendi necessitate? quo argumento? Audiamus.

Miracula à Christo facta & notata à S. Ioanne tam magna sunt, & tam illustria; vt conuincant Christum esse Deum; istaque ratione adducant homines ad credendum Christo, & ad participandam in fide Christi vitam æternam. Ergo in scriptura traduntur omnia quæ necessariò creduntur. Valet consequentia; quia Grynæus bis corrumpit textum, & semel malè concludit; id est, quia in angulo stat baculus. Amplificabimus nos axiomata Grynæi: & eadem arte tria similia ponemus Axiomata, & ex illis

illis fabricabimus eandem æquè absurdam Conclusionem.

Opera Christi perhibent testimonium de Christo, & testantur Iesum esse Christum, & missum à Patre. Ioan. 5. (36.) & 10. (24. & 25.) Operibus Christi credi debet, vt cognoscamus & credamus quia Pater in eo est, & ipse in Patre. Ioã. 10. (38.) Alioquin propter opera ipsa credite; quia ego in Patre, & Pater in me. Ioan. 14. (11.) Illa verò opera magnam partem sunt inscripta in Euangelistis. Ergo scripturæ Canonica tradunt omnia, quæ credenda sunt de Christo.

An non dextrè videor artem assecutus Grynæi? Vincā etiam, si non stomachabitur, & lōgius progrediar quàm ipse processit. Non id solum demonstrabo quod ipse voluit, scripturam totam esse mensuram fidei. Demonstrabo multo plura: opera Christi esse mensuram fidei: sermones Apostolorū, & sæpe sermonem vnum etiam non notatum in scripturis Canonicis esse mensuram fidei. Vnum signum Thomæ factum, & vnum testimonium S. Ioannis cap. 19. (35.) & vnum miraculum esse mensuram, fidei: si omne id quod in literis sacris inscriptum est, & ad fidem Christi, eiusque veram participationem adducit, mensura est fidei.

At mi Grynæe desinamus istum in modum argumentari, ne tandem contra datum tuum primum, in infinitum multiplicētur mensuræ. Perpendamus datum tuū, & reuocemus nos ad vim argumentorum perspiciendā melius, & ducendas magis artificiosè consequentias. Abijciamus nugas istas, & tu præsertim Grynæ: Cogita quā doctrinæ opinionem apud multos habeas: eam si loquēdo sustinere non potes, sustine tacendo. Vide quantam iacturam in tam minuto libro feceris: in quantum sis auctoritatis periculum tuæ proiectus. Signorum Christi notationem vis esse mensuram totius fidei; id est, signorum & doctrinæ; corrumpis textum: dicis quæ Euangelistæ nō dixē-

dixerunt: malè concludis: & netum quidem rectè concluderes, si omnia vera essent quæ ponis.

Quid enim si Euangelistæ & Apostoli omnia ad scopum istum retulissent, vt nos crederemus Iesum esse Christum: an idcirco scriptura esset mensura fidei: & traderet omnia quæ de Iesu nobis ad salutem sunt creditu necessaria? At qua consequentia? Id igitur ostende Grynæ: & Calvinismi te mensuram esse dicemus.

Sed interim nos ordinem tenebimus què incepimus: & ex axioma tuo consequentiam euertemus tuam.

Signa sola non sunt mensura fidei Christianæ. Atqui isto loco S. Ioannes de solis signis Christi, neque tantum de omnibus loquitur. Falsum igitur est agere isto loco de fidei mensura S. Ioannē: est verum vicissim est Grynæū proponere absurdè: ineptè assumere: concludere vitiosè.

Rursus: tantum ad librum Euangelium què suum respexit S. Ioannes cum ista diceret. Certum autem est, Euangelium S. Ioannis non esse mensuram fidei, & multa ne quidem attingere quæ creditu sunt necessaria: Natiuitatem Christi ex Virgine Maria: Institutionem Cœnæ & Baptismatis: descensum ad inferos: ascensionem in cælum: sessionem ad dextram, & alia plurima. Itaque S. Ioannis iste locus ad propositum non pertinet, nec inde cōcludi ne quidem in speciem potest, in scripturis Canonicis tradi & explicari omnia, quæ ad salutem requiruntur nostram. Absurdissimus igitur est Grynæus, qui id demonstrari ex textu putat: aut certè si non putat, tamen fingit.

X.

TAndem ad extremas feces sumus in exhaurienda Grynæi sentina progressi ad consequentiam, quam ex 2. Timoth. 3. pro mensura sua fabricat. Verum quia de ista re iam in explicatione egimus satis fusè: erimus hoc loco breuiores: & tantum contra Grynæum aliquot in contrariam sententiam syllogismos ascribemus; vt ineptias suas videat & dediscat Grynæus.

G

1. Quod

1. Quod solum non sufficit ad instruendum in salutem, id non tradit omnia quæ sunt creditu necessaria, ex dato Grynæi secundo. Atqui S. Paulus isto loco instruere quidem sacras literas ad salutem testatur, per fidem, quæ est in Christo Iesu: sed addit multa. Primò: Illa ad quæ doctrina & ductu & institutione S. Pauli informatus erat Timotheus. Tu autè permane (inquit S. Paulus) in his quæ didicisti & tibi credita sunt, sciens à quo didiceris. & alio loco, quæ audisti à me per multos testes. Secundò, formam sanorum verborum, ut audiuerat Timotheus à S. Paulo: Tertiò, totum bonum depositum (παράθεσις) quod custodire iussit Timotheum.

Ergo sacræ literæ non continent omnia, quæ à Christiano credi debent: neque mensura sunt fidei: nec unquam sic isto loco sensit S. Paulus: Et affinguntur hæc omnia S. Paulo ab hæreticis.

2. Ad mensuram addi nihil potest ex dato Grynæi quarto. Ad sacras literas, quas Timotheus infans nouit, accesserunt plurima, peneque totum nouum testamentum. Timotheus enim puer nihil de Euangelio: tantum de lege scriptos libros habebat, ut supra probatum est. Sacræ igitur literæ, de quibus S. Paulus ad Timotheum loquitur, fidei nostræ mensura non sunt, nec tradunt omnia nobis necessaria.

3. Nominat quidem S. Paulus literas sacras, sed quot libri sint, & quorum nominum, non explicat. Ut igitur maximè verum esset, quod somniat Grynæus: tamen mensuram nondum sciremus; in quibus & in quot libris consisteret: quod comprimis necessarium est, si certa mensura esse, si non in infinitum ferri, si respondere fidei, si non mutari debet. Falsum igitur est, quod Grynæus inde concludit, scripturas Canonicas, id est, volumen Biblicum v. triusque testamenti, vel tot libros veteris, & tot libros noui testamenti complecti omnia ad salutem necessaria. Id enim neque à S. Paulo, nec in vlla scriptura traditur, eoque

que solo Lutheranis & Calvinistis verum esse non deberet, qui nihil verum esse sinūt, nisi traditum in scriptura.

4. Omne quod (σοφίζεσθαι) instrui t ad salutem, tradit omnia ad salutem credenda Christianis: Hæc enim est Grynæi maior ad docendam minorem ineptę demonstratio nis. At testimoniū veteris legis (Psal. 18.8.) instruit (σοφίζεσθαι) pueros, & quidem (vt ex eiusdem versus priori membro & omnibus consequentibus apparet) ad salutem æternam. Testimonium igitur veteris legis tradit omnia quæ Christianis creditu sunt necessaria: & est fidei nostræ mensura. Sed id falsum est. Falsa igitur maior, ex qua sequitur. Non igitur sacræ literæ, quia instruūt ad salutem, continent omnia τὰ πιστά, nec mensura sunt fidei, nec Demonstrator est Grynæus, nec verum dicit.

5. Rursus si omne quod instruit ad salutem, mensura est fidei, & in se omnia credenda includit; vnaquæque scriptura diuinitus inspirata erit fidei mensura, & includet in se omnia. Vnaquæque enim scriptura, vt S. Paulus ibidem testatur, docet, corrigit, redarguit, instituit in iustitia. Sed posterius falsum est. Quot enim essent, & quàm infinitæ mensuræ fidei? Ergo & prius. Iniarium igitur S. Paulo facit Grynæus, cū minorem nugatorij syllogismi confirmare ex isto testimonio cupit.

6. Quot res S. Paulus simul requirit ad perfectam hominis Christiani & Ecclesiæ Christi fidem; illæ res simul sumptæ & non singulæ sunt mensura fidei. Hic verò S. Paulus & scriptum (2. Timoth. 3. (15.)) & auditum verbum (1. Timoth. 6. (20.)) & 2. Timoth. 1. (13.) & 2. 2. & 3. (14.) & vt etiã alibi traditiones suas scriptas & non scriptas (1. Thes. 3 (10.)) & 2. Thes. 2. (15.) & 1. Corint. 11. (34.) & Tit. 1. (5.) simul requirit. Falsum igitur est scriptum tantum verbum esse mensuram fidei, vel in eo tradi omnia, quæ credi à Christianis debent.

7. Quicumq; mutat sententiam scripturæ; impius est, ex quarto Grynæi dato. Grynæus igitur, qui id facit, impius est. S. Paulus enim de ista instructione ad salutem

agit, quæ non in intelligentia articulorum fidei, vel rerū credendarum, sed in sanctè agenda vita ponitur: nec sic dicit instrui à quaque scriptura hominem Dei, vt intelligat ex singulis eius locis omnia fidei mysteria: sed vt conformetur in iustitia, & paulatim perficiatur in hominē perfectum & instructum ad opus omne bonum. Cū igitur quod S. Paulus de Iustitia & vita actiua loquitur, Grynæus ad cognitionem articulorum fidei & rerum credendarum conuertit: iniuria S. Paulum afficit, & impius est, & nugator, & nihil eorum intelligens quæ dicit.

8. Aut quæque scriptura diuinitus inspirata complectitur omnia credēda; aut non complectitur. Si non complectitur, abutitur igitur isto loco Grynæus ad stabilendum errorem. Si complectitur: Ergo quæque pars scripturæ est mensura fidei ex demonstratione Grynæi. Falsum igitur est totam scripturam Canonicam esse fidei mensuram: Aut vna non erit mensura: erunt infinitæ infinitis modis & locis infinitis: & pars atq; totum simul erunt mensura rei vnius. Verū tamen est & quæque scripturæ partem, & totā scripturā, id est, vel totū vetus, vel totum nouū, vel simul vtrumq; testamentū totum, instruere ad salutem: nō sic vt omnia credenda in illis explicatè tradita sint, quod S. Paulus nullo verbo confirmat: sed vt simul cum illis quæ per auditus sermonem in Ecclesia relicta, vel ab Ecclesia per ipsius potestatem ad Dei gloriā & cultū diuini *edraçius* instituta sunt, vel adhuc institui possunt, veram mensurā fidei conficiant. Nec enim S. Paulus ascripsit, tantum sacras literas instruere ad salutē, & instruere ad perfectam omnium credendorum intelligentiam, & nominare omnia quæ credenda sunt. Illa S. Paulus non posuit: adiecit Grynæus: impius Grynæus, si quartum ipsius verum est datum: & adiecit de suo; malus Demonstrator Grynæus, sine vlla specie consequentiæ; ludens foris ad Geometricæ doctrinæ ineptam similitudinem, intus nihil concludens, *ἀγαπᾷ* Grynæus.

XI. Cor.

XI.

Corruptelas nunc scripturæ in isto breuissimo libello, & in vna penè pagina interiectas in vnum recolligamus; & noua cōclusionione demonstremus, corruptorem scripturæ esse Grynæum, & peruersorem viarum Domini: eòq; indignum qui ad res adhibeatur Theologicas. Leuiora non repetemus, persequemur grauiora, quæ excusari nō possunt: ne quidem si mille Bezas istius corruptionis haberet autores. Non enim reprehēdemus fidem habitam veritati, pro fide veritatis: in salute, pro in salutem: sermo auditus mixtus fidei ipsis qui audierant: id enim quàm obscure: super spe, pro ad spem. Item fidem definiri à S. Paulo, agnitionem veritatis, quæ est secundum pietatem ad spem vitæ æternæ. At vbi est definiri ibi fidem? in qua scriptura? Cùm Paulus nō dicat fidem esse agnitionem: sed fidem & agnitionem ponat tanquam non prorsus eadem.

Deinde si illa definitio est fidei: cur hæretici aliter definiunt, & non agnitionem tantum, sed fiduciam & voluntatis virtutem fidē esse volūt? Si agnitio est ad spem, spes profectò non erit: & nec fiducia: Sed erit agnitio ad fiduciam: quod singulariter notandum est. Sed ista fortassis minora sunt. Maiores corruptelas notabimus.

1. Textum ad Hebr. 11. turpiter corrumpit, cùm fidem id esse dicit, quod facit vt existat quæ sperantur. At vbi est in Græco textu? An *ὑπόστασις* est, id quod facit? An *ὑπόστασις* est causa efficiens? An non est fulcrum & quasi sustentatio? Quid Bezista Grynæi? Quid discipule corruptoris, corruptor scripturæ, quid respōdes? Ergo ea quæ hīc speramus, sunt iā in nobis & extant? Spe, inquit scriptura, salui facti sumus: & spe, quæ non videtur. Rom. 8. (24.) similes erimus Deo cùm apparuerit: nunc autem spem hanc in eo habemus. 1. Io. 3. 2. Quò igitur valet ista libido discedendi à textu? & peruertendi scripturam?

In Psalmo 38. (6.) græcè legimus ὑπόστασις nostram esse tanquam nihilum ante Deum. & 38. (8.) ὑπόστασις nostram apud Deū esse: sic Psal. 68. (3.) Infixus sum in limo profundi, & non est ὑπόστασις, vt similiter Psal. 88. 48. & 133. 15. quibus omnibus locis nihil est aliud ὑπόστασις quàm subiectū & fundamentum illud in quo innitimur, & pedes nostros vel animum figimus.

In nouo testamento S. Paulus 2. Corinth. 9. (4.) metuit ne pudefiat ἐν τῇ ὑπόστασι τὰυτῇ τῆς καυχῆσεως, & repetit iisdem verbis ca. 11. (17.) vbi hypostasim præfidens Beza vertit præfidentiam. At quàm absurdè? cū esset fundamentum, & Veteres quidam etiam pro parte gloriationis, & tanquam materia intelligerent?

Ad Hebr. 1. (5.) Filius ipse dicitur character ὑποστάσεως Patris: vbi Beza vertit personæ. Sed ibidē 3. (14.) est, nos Christi participes esse, si tamē ἀρχὴ τῆς ὑποστάσεως firmā vsque ad finem retineamus: Vbi Beza ipse vertit principium, quo sustentamur: malè quidem; tamen melius quàm hic.

Sed omnibus locis illis an quæso semel est ὑπόστασις illud quod facit, vt res cuius est ὑπόστασις, extet? Quid responderet Gryphæus? An non omnibus locis est primum subiectum & fulcrum cui innitimur?

Et vt verum sit, fidem efficere, vt res speratæ aliquo modo extent: an propterea corrumpendus erat textus per περιρρασις, & per rem consequentem? Sed nec ista consistere potest consequentia. Nullo enim loco scripturæ est, facere fidem vt sperata extent. Deinde quomodo extabunt, an per se: sed id fit sine fide: & sunt res speratæ etiam si nemo crederet. An igitur nobis? sed fide cognoscimus res speratas & veras esse scimus: non vt extent: extant enim tantum in spe: sed vt veræ esse sciantur. Credimus resurrectionem mortuorum: iudicium publicum Christi: vitam æternam: an igitur extant quia credimus? Sed inquiet: fides tanquam præsentia intuetur. Nego. Intuetur in spe. Spes autem est futurorum & non apparentiū.

Ru-

Rursus, si fides facit ut res extent sperata: Erunt igitur res speratae quia creduntur: & non credentur, quia sunt. Et sic fides erit mensura rerum speratarum quas credimus: id est, fides erit mensura τῷ πιστῶν, quae eadem sunt ἐπιζόμενα, quod est falsum per se: & falsum ad Grynæi positionem, qui scripturam vult esse mensuram τῷ πιστῶν. An ista non est turpis inscitia & indocta turpitudine? 1. facere fidem ut res extent, & non magis fidem esse rerum existentium. 2. Esse hypostasim idem quod facere ut res extent.

O conuersores, stolidum pecus, ut mihi bilem,

Ut mihi saepe iocum vestri mouere tumultus.

An hoc est vertere? An illa noua versione indigebat Spiritus sanctus, quae tot errores habet quot penè lineas? An propter vnum scholiasten graecum, qui tamen id, quod Beza vult, non respexit, peregrinandum fuit à simplicitate textus? & utendum περιφράσει inepta, absurda, falsa? Si περιφράσει scribere voluit Beza, cur versionem suam tanquam textum Euāgelij & testamenti noui haberi cupit? cur in titulo versionem nominat? & in praefatione pollicetur se in explicandis verbis cum dissentiant scriptores, facturum ut textus potius saluus sit, quam ad vnam opinionem traductus? Sed dicet Beza, veteres sibi non satis fecisse versiones. At quis Bezæ satisfactionem curat? & an propterea deprauandus textus erat? cum id scholiastes non vellet? non diceret causam esse fidem, quae faceret ut res extarent? Sed potius quasi substantiam esse spei fidem affirmaret, quae in spe tanquam sine fundamento vel fulcro posita sic appareret, ut aliquo modo subsistant & adsint? Voluit igitur scholiastes ea, quae in spe sunt, esse ἐπιζόμενα, & acquirere ἐπίστασιμ in fide. Id verò quid ad versionem Bezæ & Grynæi? Quid ad tumultuosam istorum hominum libidinem & nouadi cupiditatem? & in interpretando peruersitatem?

2. Pergit in definitione fidei, & dicit fidem, quam S. Paulus λέγουσιν τῷ μὴ βλεπομένῳ vocat, esse Demonstrationem.

tionem eorum quæ non videntur. At quis vnquam *ἔλεγχον* & *ἀπόδειξιν* pro re habuit prorsus vna? Nam vt sit *ἔλεγχος* aliquo modo & interdum *ἀπόδειξις*: cur tamen erit simpliciter *ἀπόδειξις*? & cur hoc loco? & quomodo erit? An quia scholiastes græcus, qui nō vertere, sed explanare scripturam voluit, ad *ἔλεγχον* apposuit *ἀπόδειξιν*: ideo Beza non periphraſtes, sed verſor textus, potuit vertere demonstrationem, & vnum ponere, cū scholiastes poſuiſſet duo? Aut an *ἔλεγχος* latinum nomen non habet? An non est conuictio? quo verbo S. Auguſtinus in iſto loco vtitur: quia animus conuictus à fide neceſſariò verum eſſe credit quod non videt? An non est argumentum? documentum? Cur iſta delicatulis ſomniatoribus nō placent? cū demonstratio ſit vox magis obſcura, nec cognoſci ſtatim poſſit: ſimplex oſtenſio ſit, an argumēto concluſa demonstratio. ſed in eo adeo multum poſitum nō eſt. Videamus maiora.

3. Marci 1. (15.) cū haſtenus eſſet, pœnitentiã agite: ille Cenſor vertit, RESIPISCITE, Cur verò pœnitentiã agere non debemus? Et cur tantum reſipiſcere? An reſipiſcere plus eſt, & maiorem habet magiſque ſignificantē notationem, quàm agere pœnitentiã? ſed cuius authoris affirmatione, & cuius linguæ uſu?

Audiamus tamē cauſam, quæ Bezam ad corrupendam ſcripturam impulit: quæ vt ſic verteret permouit. Primū ſe ait occaſionē voluiſſe præcidere Catholicis: ne inde ſatiſfactiones ſuas confirmarent. At quid audio? Ergo Bezæ licet ad infirmandā Catholicam religionem peruertere ſcripturas? & tollere quæ delirationi ipſius nocent? ô cauſam Beza dignam. ô verſorem ſcripturæ. ſic etiã Lutherus vertit: id eſt, ad libidinem ſuam tranſtulit omnia. ſed addit Beza, *μετανοῆν* ſemper poni in bono, & id de ipſius opinione eſſe reſipiſcere. At quid ſi ſulta Bezæ eſſet opinio? An propter opinationem Bezæ deprauanda fuit ſcriptura? priuſquam certum ſciret quid à
voce

voce notaretur? Quid si mea opinione Beza vinceret omnes impudentia & libidine corrupendæ scripturæ? An igitur Beza concludere me sinet, quod ille in re sanctissima concludere molitur? & factò cōclufit? Tamen, inquiet, μετανοεῖν est sic dolere vt corrigas: & id ipsum Latinis est resipiscere. Sit ita, vt tamen non est: At hoc ipsum est agere pœnitentiam: teste Caluino lib. 2. Institutionū: qui resipiscētiā & pœnitentiā pro eodē habet. Cur igitur Beza distinguit? cur pœnitentiā nominat in Iuda? non nominat in Niniuitis? impurus corruptor. Cur vocabulū tam diu in Ecclesia receptum antiquare, constitūtere nouum voluit? inusitatum? nō sufficiens ad vim exprimendam pœnitentiæ? Agemus de eo paulo fusius.

Dicit Beza, μετανοεῖν esse sic dolere vt corrigas. Primum id non nocet pœnitentiæ; nec enim ideo μετανοεῖν non est pœnitentia: cū pœnitentia Euangelica eodem modo doleat: confirmante Caluino. Deinde sic dolere non est resipiscere. Nec enim omnis resipiscens necessariò vel priorem vitā corrigit, vel dolet. Aut an fortassis Iudas non resipuit? & si non resipuit, quomodo doluit? quomodo μεταμίσθητις reddidit triginta denarios? Nec quisquā Latinus author resipiscendi vocabulo vim istā & significationem affinxit: non Cicero, qui sine dolore, qui se ex mortis perturbatione recolligunt, resipiscere vult: non Terentius, qui filium resipiscere gaudet, non quod priorem vitam doleat: sed quod corrigit. Tertio nec sic dolere vt corrigas, est semper μετανοεῖν: sed etiam μεταμέλειται. Nam vt nihil dicam de testimonijs externis: nihil de loco Osee ca. 11. nihil de loco S. Pauli 2. Corinth. 7. (10.) Miror quid Beza cogitet: cū Matthæi 21. (29. & 32.) bis μεταμέλειται verterit ipse resipiscētiā: oblitus positionis suæ, cū in græco esset μεταμίσθητις & μεταμίσθητε: quæ tamen ille tanquam si μετανοεῖν in græco esset, latinè per resipiscendi vocem reddere non dubitauit: vt etiam debuit. Falsum igitur est ad istam rationem, quam Beza

H

nota-

I.

II.

III.

III. 58

notavit, differre μετανοϊαν & μεταμέλειαν. Quartò falsū est ad essentiam τῆς μετανοϊας pertinere, vt errorem emendemus. μετανοϊα enim non ex vi vocis, sed ex vsu Scripturæ dolorem magis significat comprehensum ex antea acta vita, & qualemcunque animi à prioribus studijs etiam non diurnam abstractionem: in quem sensum Ioanni Matth. 3. (3.) & Lucæ 3. (8.) item S. Paulo Act. 26. 20. non satis erat μετανοϊὴν καὶ ἑπίστευσεως εἰς θεόν: sed requirebant præterea, vt fructus proferrent dignos pœnitentia. Sine his igitur fructibus, tamen erat μετανοϊα: non illa fructuosa & plena, quam nunc querimus in Ecclesia, sed alia simplex & inchoata, & ad fruges efferendas non progrediens.

V.

Quintò adiungit Beza, μετανοϊαν in scriptura Hebraica esse, נחשן & μετανοϊὴν esse נשן. Item μεταμέλειαν esse Hebræis in veteri testamento נחשן: sed falsa ista sunt omnia. μετανοϊα nūq̄ est נחשן: nunquā μετανοϊὴ est נשן in textu, & in externo vocis sono: sed נחשן hebræa dictio tum per μετανοϊὴν, tum per μεταμέλειαν explicatur in græco. Μετανοϊὴν quidem est 1. Reg. 15. (19.) bis. Jer. 48. 24. & 18. 8. & 18. 10. & 31. 19. Rursus μεταμέλειαν est Exodi 13. (17.) & 1. Regū 15. 11. & 15. (35.) Psal. 105. 45. & 109. 4. Jer. 20. 16. & Osee 11. 8. Nescit igitur Beza quid scribat.

VI.

Tantoque magis quod sextò vox נחשן & נשן, cū Chaldaicè in textu scripturæ conuertuntur, semper vno Chaldaico verbo נחשן sine prorsus vilo sint expressa discrimine: cū tamen נשן Chaldaicum, sit Hebræum נחשן. Excipio pauca loca, in quibus נחשן Chaldaicè per נחשן: semel per נשן explicatur.

VII.

Septimò verò nec pœnitere & resipiscere apud Latinos prophanos authores sic differunt vt apud Græcos Stephanus & Beza putāt differre μεταμέλειαν & μετανοϊὴν: sed potius contra. In pœnitentiæ enim voce semper dolor significatur: non semper in resipiscendi. Resipiscit qui ad se
redit.

redit, vel se recolligit, vel in mentis usu, vel in virtutum studijs: etiam cum non poenitet: saepe etiam poenitere non potest. Nec qui resipiscit, errorem semper corrigit: poenitendo vero errorem corrigit Cicero.

Nec nos octauo quid *τροπον* vocis & ipsa in se & in literis, syllabis, primaque; nascendi origine considerata dictio praeseferat, in consilium adhibere nostrum iam debemus. Sed quid vox ex usu & definitione Ecclesiae valeat: quid per annos 1600. inter Graecos & Latinos patres valuerit. Id enim spectandum nobis est: non ludendum in Grammatica exilitate: quod nec Priscianus faceret, nec Lucianus, nec Horatius; ut vocis significationem usu confirmatam propter literas & syllabas tollerent: & tyrannum, pecuniam, furem, & omnium artium vocabula plurima, quia primum ad alias significationes erant constituta, vel ex origine vim aliam intendunt, non id esse sinerent, quod usus esse vult.

Sed nec nono latinum magis est resipiscentia quam poenitentia: cum resipiscentiam nusquam inuenias: Poenitentiam inter Latinos scriptores Plinius saepe in libris ascribat. Et tamen si latinum magis esset, tamen in ista diuturna assuetudine Theologos veros non impediret: meretricios haereticos, verborum & blanditiarum sectatores, & amorum cantores impediret: praesertim postquam sic receptum iam est & confirmatum usu poenitentiae vocabulum, ut & quid sit, & quid significet, constet omnibus ad primum statim aspectum & ad primam auditionem. Cur igitur sine vlla causa probatam & inueteratam vocem, ad quam non animi tantum sanctorum hominum, sed parietes templorum & paginae omnes assueuerunt, tollere & extrema mundi aetate Christianum populum ad discendam nouam vocem, a nullo positam & inauditam adducere Tyrannus Beza & cum eo Grynæus volunt? Nam quod de Lactantio Stephanus recitat: fatemur Lactantium cum vim vocis simplici versione ante oculos latinis constituere cogitat, confiteri quod *μετάνοια* latinè possit verti resipiscentia. At quod

VIII.

IX.

ipse sic nominauerit, vel nominandā contenderit, & in vsum Theologiæ importauerit: falsū est, nec probabitur vnquā: nec si Lactantius fecisset, & Lactantiū Ecclesia tot iā sēculis imitata nō fuisset, imitari nos Lactantiū, & discedere à cōsuetō & notō vōcabulo cōueniebat, & turbare fontes Israël. Sed cur isti nouatores, q̄ res nouarūt, non nouarēt verba? planè vt Lutherus pœnitentiā agite, germanicè vertit, *besser Euch: ð peruersores. ð hostes pœnitentiæ.*

4. Qui credit in eum, non iudicatur: non credens aut̄ iudicatus est: quia nō credit in nomine Vnigeniti Filij. Io. 3. (18.) Hic vt eruditionem ostētarent, & libidinē suam explerēt Erasmus, Beza, & post Bezā Grynæus: verbū quod in Ecclesia annis penè 1500. receptū fuit, temere sustulerunt. Erat in græco, credentē non iudicari: & non credentem iudicatum iam esse. Id delicatulis illis non placuit. *x̄i uera* vocē Græcam, quæ semper (iudicatur) significat, ipsi vertunt (cōdemnatur). At quare boni viri? An quia interdū, qui iudicantur, condēnantur? sed id perpetuū non est: & iudicātur multi qui non condēnantur: & sancti de quib⁹ Christus loquitur, ne iudicabuntur quidem isto iudicio, quod hic explicat.

Eū verò qui non condemnatur, cur falsum est non iudicari? cur vocē Christi generalem contrahunt nouatores? cur mutant? Cur Spiritum S. corrigūt? Sed, inquit Beza, seruari & condēnari opposita sunt. Bone Deus, quantum acumen, quanta celeritas ingenij? An non etiam iudicio non subijci, vel sine iudicio seruari, & iudicio subijci contraria sunt? Cur igitur hæc cōtrarietas, quam Christus ipse enuntiat, & statim explicat, valere non debet? valet illa Bezæ & Erasmi? An semper extremè contraria Christus inter se opponit? an non etiā mediū, quod ad extremū vnum ducit, sæpè contra alterū ponit extremū? An dicere Christū Dominum, & facere voluntatē Patris sunt contraria? An fortassis & illa sub censurā reuocabit Beza, & substituet nouas voces? Sed aliud fortassis maioris est

ris est momenti, quod viros illos consideratos permouit. Credimus Christum venturum, ut iudicet viuos & mortuos. Id verum esse nō posset, aut certè in dubitatione veniret, si hīc legerem⁹, Christū non venisse ut iudicaret. At nesciebā interpretis vel verforis officiū esse, ut quæstiones omnes solueret: Nec cogitabā hoc respexisse Bezā, ut aperti⁹ quā ipse Spir. S. & in latino planius quā E-uāgel. in græco loqueretur: & rē in Archetypo dubiā ipse vertendo faceret perspicuā. Nos igitur dubiū græcum textū deinde reijciem⁹: acquiescem⁹ in poeticaluce latina Beza & Grynæi. Sed rursus, condēnatio Christi vel cum iudicio cōiuncta est, vel fit sine iudicio. Si sine iudicio: dubitatio de iudicio Christi remota nondū erit: & frustra effugere Beza Amphibologiā voluit. si verò iudiciū in se includit cōdēnatio, quorsum attinebat, vocē iudicij interuerti, & partē poni pro toto: quorsum opus erat publicā vocē iudicij tolli, & rursus poni in alio occultatā vocabulo? An enim cōdēnatio nō est iudiciū? Et an Christ⁹, quia sancti nō condēnabūtur, & impij condēnati sunt, adhuc iudicabit? An nō in eodē hārem⁹ inuolucro? Nā si Christ⁹ nō cōdēnabit, ne iudicabit quidē: nisi fortè iudiciū totum in saluādis sanctis cōsistet. Nec prodest quod condēnationem hoc loco neget tanquam actionem intelligi: putet accipi tanquam materiā. In idem enim recidit: & quod Beza de condēnatione dicit, nos ad iudiciū accommodabim⁹, & eodē modo obscuritatē vel ambiguitatē tollem⁹ in voce iudicij, ut ille conat⁹ fuit in condēnationis voce. Nec propterea vox prior, vox Christi, vox quæ ex Græco deleri nō potest, tolli debuit, cū res eadē sequeretur, quā vitare voluit Beza. Sed id huius instituti non est: & expedietur in alio libro. Nos interim doleam⁹ novos homines infatuatos opinione nouæ literaturæ post annos 1500. pro libidine sua mutare veterē vocē Ecclesiæ: substituere nouā, & quidē loco alieno, in quo nō conueniebat: cōtra Christi mentē: contra Græcæ vocis proprieta-

prietatem: contra Spiritus S. prudentiam. Quod enim Spiritus S. posuit, & ferre potuit, cur inuerecundus Beza corrigi? cur in vertendo tollit? Nā in interpretando fortasse ferri potuisset. Perdat Deus stolidā istam versionē: & authores ad pœnitentiam, non tantum ad resipiscentiam adducat.

V. Locū Coloss. 2. (3.) Grynæus sine Bezæ autoritate deprauat, & sic citat ac si Paul. diceret, in vno Christo esse absconditos omnes thesauros sapientiæ & cognitionis. At vbi est apud Paulū in vno Christo? Corruptor Grynæus? Cur istam vocem insidiosè interponis & dispolias Patrē & Spiritum sanctum? Cur contra te ipsum? Nā si sunt in vno Christo, non erunt in scriptura: vt nec sunt. Sed tu cur istum textum protulisti? & in quē vsū? ô disputator.

VI. Vbi quæso, Grynæus, S. Paulus (Colos. 2. (8.)) omnem religionem, quæ non secundum Christū est, falsam esse confirmat? non quod negari debeat: sed tamen vt tuam audaciā cognoscamus: in re quæ vsū tibi præstare nullū potest: quæ siue sit, siue non sit, causam tuā non subleuat. Ostēde igitur Numisma, & superscriptionem, hypocrita.

VII. Legat Grynæus ex Ioan. 5. (39.) Axioma s. suum: & demonstret nihil additum, nihil mutatum esse. sic enim magnus erit, & aureus Grynæus. Quare verò primū apposuit sanctas scripturas & diuinitus inspiratas? An in textu verba ista sunt? An res est? Neutrum profectō. Sunt quidē scripturæ, quas Christus scrutari iubet, sanctæ & diuinitus inspiratæ: sed aliud respectat callidus Grynæus, cū indefinitè proponit quasi Christus, qui tantū de prophetijs agit, loqueretur de omnibus sanctis à Deo inspiratis scripturis: quod in istum locum non congruit.

Deinde consequentiā istā non intelligimus. Sanctæ & à Deo inspiratæ sunt. Ergo Canonice sūt. Nec enim scriptura sic cōcludere docet: nec nobis commodum est. Possumus scripturas, & quia sanctæ sunt & inspiratæ à Deo, habere pro Canonicis, & quia Canonice sunt, agnoscere pro inspiratis: vtrunque verè, sed eodem modo nobis ignotum:

notum: Fortassis etiã ex Ecclesiã testimonio & progressi-
one Canonicum notius quã inspiratũ. Vnde igitur in
Grynãi somnium illa defluxit consequentia? cũ scrip-
tura inspiratas non discernat à non inspiratis: & Cano-
nicas ne quidem nominet.

Tertiò, addit debere nos scrutari scripturas: quod in
textu non est: Ad Iudãos pertinet, & ad illos qui veterem
legem credunt: Euangelium non credunt. & qui se vitã
in litera legis habere putant, nec ad Christum veniunt,
vt prænuntiatã in lege vitam ex Christo suscipiant. Itaq;
ad nos propriè non pertinet: & maledictus est Grynãus,
qui ad textũ addit, quod in textu non est: quanquã alio-
quin præsertim docti in istã debent incumbere curam, vt
antiqua cũ nouis conferant: noua cũ antiquis.

VIII. In vno testamento Ioan. 20. 2. quot sunt corrup-
telæ & mendacia? Verũ ista iã deteximus. 1. Addidit om-
nia quę scripta sunt. 2. Quę scripta sunt ab Euãg. & Apost.
quod vtrunq; confictũ est contra textũ. Nec de omnibus,
sed de signis solũ S. Ioan. differit: nec de omniũ Euang. &
Apost. scriptis: sed de suo tantũ lib. & de signis quã ipse
ascripserat. 3. De leui isto nihil dicã: per nomen eius, cũ
esset in nomine eius: tamen cur temerarij versores emen-
dãt Spiritum sanctum? cur ora sua in cælum ponunt? &
modum præstituunt Spiritus S. industria?

IX. De loco 2. Tim. 3. notata iã sunt omnia, & illud cum
primis $\delta\lambda\gamma$ pro $\omega\acute{\alpha}\sigma\tau\alpha$. Fraus in isto loco defossa latet maxima Beza
& Grynãi: nõ quod inficiemur vel totã scripturã, quam
habemus, & quam S. Paulus habuit: vel vnãquamque
singularem scripturam, & scripturæ istius partem vtilem
esse: absit illud à nobis: sed quod in textu non sit: & Beza
magnum venenum sub minuto illo verbo occultet: qua-
si certum totum significaret Sanctus Paulus: quod non
fecit.

Non vertere omnia quã vera sunt debemus: sed verbũ
reddere ex verbo: addere nihil: mutare nihil: quã virtu-
tem.

tem petulantissima superbia Beza tenere non sinit. Et quærunt aliud Beza, & cum Beza Grynæus: significare volunt, S. Paulum loqui de tota scriptura, id est, de toto isto librorū complexu, quem iam scripturā vocamus veteris & noui testamēti: quasi Paulus ad Biblicum hunc totum librum respectum habuisset: & nihil vtile, nihil à Deo inspiratum esse putasset, nisi quod in scriptura disertè planeque scriptum est. Ad hanc tantam fraudem peruertunt scripturam Beza & Grynæus: magna inuercundia: contra textum: contra dialecticam artem. Nec enim quia tota scriptura, id est, totum illud Biblicum volumē θεόπνευτος & ὁφελιμος est: sequitur id quod scriptum vel scriptum non est, non esse diuinitus inspiratum: & esse inutile. Negatio subiecti in vniuersalibus affirmatis non infert negationem prædicati, sed contrā. Verūm de illis iam satis. Quis enim Bezæ blasphemias in Spiritum sanctum, & corruptelas scripturæ, & reprehensiones solacismorum in ipso Deo, & lutulentam infinitam voraginem tam breui scripto exhauriret? ostendere volumus in 8. testimonijs scripturæ, quibus in vna pagina vsus est Grynæus, deprauationes sedecim: non leues, sed magnas & contumeliosas in Deum, & corruptrices textus, & Diabolicæ superbiæ testes. Cæteris alio tempore locus erit, vt spero.

XII.

PRO auctario addendum est, videri nobis Grynæum, statum causæ non eodem modo repetere in syllogismo, quo prius in διορισμῶν proposuerat. Hic enim profiteretur se quærere an plura aut pauciora quàm scripturis Canonicis proditum sit, nobis ad salutem creditu sint necessaria: sed in syllogismo non omnia quæ ad salutem quouis modo nobis, sed quæ de Christo Iesu sunt creditu necessaria, resumit, quasi tenebras offundere nobis, & ea quæ absolutè ad salutem necessaria sunt, distinguere cogitet ab illis, quæ de Christo credi ad salutem oportet.

Res

Res vna est si rectè explicetur: & omnia quæ credimus, de Christo credimus: non tamè eodem modo, nec æquè directè: sed quædã de ipso Christo, eius persona, officio: quædam de Patre, Spiritu sancto, Ecclesia, Ecclesiæ ritibus & ornamentis, de sanctis martyribus, purgatorio, inferno, & alijs: quæ tamen omnia ad Christum sunt tanquam ad authorem & causam nostræ salutis, & iustitiam vitamque nostram instituta.

Fucum si subiecit Grynæus: nos non impediet: *διορισμῶν* illius vrgebimus: de omnibus quæ quoquo modo in fide Christi ad salutem creduntur, dicemus susceptam inter nos disputationem esse: atque id tum ex *διορισμῶν*, tum ex maiore Epigrammatici Syllogismi, tum ex huius Conclusionem planum fieri: quod tantum monere volumus: ne in isto effugio præsidium quæreret Grynæus.

Hæc igitur nunc contra thesificatorem, & obijcere & explicare, & conuellere visum est: impenso ad rem istam inter cæteras occupationes penè toto biduo: vt videremus, an se magis corroborare, & demonstratoriam aliam nouam faciem thesibus obducere posset Grynæus. Tum enim occasio dabitur, fusius omnia & diligentius persequèdi; præsertim si Porphyrium, quem in præfatione nominat, explicabit apertius. Interim demonstratum sit, nihil demonstrasse Grynæum: illuisse mundo in fucata Geometricæ literaturæ affectatione: nec mensuram fidei esse scripturas Canonicas: & falsa esse omnia & ineptè applicata quæ concludit Grynæus.

Dominus IESVS, omnipotens, verus Deus & homo verus, Gryneò & hæreticis omnibus det spiritum sapientiæ & reuelationis in agnitione eius, oculos illuminatos ad perspiciendam matrimonij purissimi, quod cum Ecclesia habet, perpetuitatem: & ad cognoscendas in Ec-

H

clesia

58
EXPLICAT. DEMON. GRYN.
clesia diuitias glorię eius in Sanctis: vt abducti ab errore,
non apros & dracones Lutherum & Cinglium, nec vul-
pem *πικρὸν ὄμορφον*, fabrum multarum religionum Philip-
pum, sed ipsum magnum ouium pastorem, & me-
diatorem noui Testamenti, qui solus ostium
est, & principium, & finis, sectentur, in capti-
uitatem redigentes omnem intel-
lectum in obsequium Christi.

Amen.

Liber Collegij Societatis Iesæ Paderbornę

FINIS.

